

解州全志卷之十五

藝文

許由箕山壑

登彼箕山兮瞻望天下山川
嶮崎萬物還晉日月運照
靡不記睹游於其間何所却慮
歎彼唐堯獨自愁苦勞
心九州憂勤后土謂予欽命
傳禪易祖我樂何如蓋不
轔顧河水流兮緣高山甘瓠
施兮葉綿蠻高林肅兮相
錯連居此之處傲堯君

虞虞歌

風俗通曰百里奚為秦相堂上樂作所賃浣婦自言知音因援琴撫絃而歌乃其故妻還為夫婦也百里奚五羊皮憶別時烹伏雌炊麋麋今日富貴忘我為百里奚初娶我時五羊皮臨當相別時烹乳鷄今日富貴忘我為百里奚百里奚母已死葬南溪墳以瓦覆以柴春黃藜檻伏鷄西入秦五羖皮今日富貴忘我為

登平陸城樓

唐王維

井邑傳巖上孤亭雲霧間高城眺落日極浦映蒼山岸

大孤舟宿漁家夕鳥還寂寥天地暮心與廣川間

題平陸縣亭

顧非熊

孤亭臨峭岸別有遠泉來山與中條合河逢一曲迴夜
聲多雁過晚色亂雲開却自求僮僕淹留莫謾催

謁許由墓

錢起

故向箕山訪許由林泉物外自清幽松上掛瓢枝幾變
石間洗耳水空流綠苔惟見遮三徑青史空傳謝九州
緬想古人曾歎息颯然雲樹滿崑秋

河流

徐夔

洪流盤砥柱淮濟不同波莫訝清時少都緣曲處多
遠能通玉塞高復接銀河大禹成門嶮為龍始得過

砥柱

柳公權

禹鑿鋒鉤後巍峩直至今孤峯浮水面一柱釘波心
頂壓三門險根隨九曲深柱天形突兀逐浪勢浮沉
岸喧秋濤射祠班夜漲侵噴香龍上下刷羽鳥登臨
祇有尖迎日曾無柱影陰舊碑文字在遺事可追尋

箕山

胡曾

寂寂箕山春復秋更無人到此溪頭棄瓢巖畔中宵月

千古空聞屬許由

黃河

宋梅堯臣

少本江南客今為河曲遊
歲時憂漾溢日夕見奔流
齧岸侵民壤飄槎閣雁洲
峻門波作箭古郡鍊為牛
目極高飛鳥身輕不繫舟
寒冰狐自聽源水使常求
密樹隨灣轉長冒刮浪收
如何貴沉玉川興是諸侯

黃河八韻寄呈聖俞

歐陽修

河水激箭險誰言航葦遊
堅冰馳馬渡伏浪卷沙流
樹落新摧岸湍驚忽改洲
鑿龍時退鯉漲潦不分牛
萬里

通槎漢千舫下鷁舟怨歌今罷築故道失難求灘急風
逾響川寒霧不收詎能窮禹跡空欲問張侯

登平陸北山回瞰陝城奉寄李八丈學士使君二

十二韻

司馬光

漢家二千石體望向來尊況復嚴徐客從前益稷孫公
侯貴不絕禮樂器常存符竹臨分陝聲光應列藩親闡
先契重予舍近交敦栢塹依仁域棠蔭接故園懷歸脚
露請予告辱推恩荷殺煩疆候停車下郡門帷廡紛大
館驕騎屈朱轡不以黎苗待還將臭味論森羅牢禮重

滅裂俗儀煩霜霽威嚴息春生笑語溫草微侵碧梵塵
不染華軒日影搖雲棟風痕過玉樽落塵歌迥出激楚
哀雙翻雅戲篆交局珍肴薦薦躡河梁俄首路汾曲訪
吹塤舉手辭雙戟騰裝改北轅烏飛城樹曉雁泊野蕪
暄耿耿清標濶泔泔宿酒昏百蟠縈阪道數里豁川原
跋馬風烟外依稀鼓吹喧

員村坂

前人

穹谷鬱盤紆河瀕陝北隅泉流涓不絕岡勢儼相扶初
旭紛高下空烟似有無石灘醒早快嶠樹罕雲孤天霽

嵐光活人稀草色蘇牧兒歌自若樵子遠相呼壞道旁
連傳空城右指虞窮巖今寂寞蔓草只荒蕪野店寒餐
澁山程瘦馬瘠物華供興趣亦足慰崎嶇

謁三門禹廟二首

前人

信矣禹功美獨兼人鬼謀長山忽中斷巨浸失橫流迹
與地天久民無魚鰲憂誰能報盛德空爾薦醪羞

巖巖青崖裂喧喧白浪豪客舟浮木葉生理脫鴻毛栢

映孤峯短

水際孤峯甚細而高上有小栢相傳不知幾何年矣而止長尺餘

銘書絕壁

高

唐太宗刻銘砥柱之陰魏鄭公撰字幾盈尺

河師不耕織容易戲波濤

遊三門開化寺

前人

山石古來色河流無盡聲行船自往返羣木幾枯榮狂
象調難伏空華滅復生我來何所得聊此濯塵纓

黃河

蘓軾

浩浩何人見混茫崑崙氣脉本來黃濁流若解污清濟
驚浪應須動太行帝假一源神禹迹世流三患梗堯鄉
靈槎果有仙家事試問青天路短長

茅津渡

魏野

數點歸鴉啼遠樹人行欲盡夕陽路暮靄還生竹塢村

西風乍起茅津渡
顛卽三兩待舡人
立賽扶筇望水濱
忽見爐中烟一縷
祇應炊稻烹霜鱗

平陸縣題

前人

寒食花藏縣重陽
菊繞灣一聲離岸櫓
數點別洲山

三門砥柱

張保源

鑿開山骨過長河水
土方平叙九歌舉世
但傳神禹力
誰人知是帝功多

三門

金元好問

南北爭教限大江
吳家纔了又陳亡
畫工只說三門險

茅記茅津一葦航

虞阪

前人

虞阪盤盤上青石石上車跡深一尺當時騏驥知奈何
千古英雄淚橫臆龍盤淤泥易所歎麟出非時聖為泣
元龜竟墮豫且網老鳳常飢竹花實天生神物似有意
驗以乖逢知未必若論美好是不祥正使不逢何足惜
孫陽騏驥不並有世萬億中時有一乃知此物非不逢
轅下一鳴人已識我行阪路多閹馬敢謂羣空如冀北
孫陽已矣誰汝知努力鹽車莫稱屈

箕山

前人

幽林轉陰崖鳥道人跡絕許君栖隱地惟有太古雪人
間黃屋貴物外只自潔尚厭一瓢喧重負寧所肩降衷
均氣稟泊利妄智決得隴又望蜀有齊安用薛干戈幾
蠻觸宇宙日流血魯連蹈東海夷齊採薇蕨至今陽城
山衡華兩邱垤古人不可作百念肝肺熱浩歌北風前
悠悠送孤月

三門津

王渥

歷崖摩蒼穹四月號陰風大河三門險神禹萬世功他

山亦崔巍砥柱獨尊雄雷霆日鬪擊悍暴愁天公劉侯
智有餘始令舟楫通仍餘石上穴飛棧曾連空遙瞻白
玉枝挺植丹竈中仙翁去不返此事真冥濛夫人與鼓
崖怪幻尤難窮獨喜兵火餘巋然出新宮當時疏鑿意
四海期會同誰知千載後築壘防嘯兇詩成一大笑浩
浩洪波東

題砥柱圖

周昂

鬼門幽險深百萬人門逼窄踰兩牢舟人叫渡口流血
性命咫尺輕鴻毛開圖頓覺風雷怒素髮飄蕭激衰腐

河來天上石不移安得此心如砥柱

箕山操

元楊維禎

箕之山兮可耕而樵箕之水兮可飲而游牽牛何來兮
飲吾上流彼以天下讓兮我以之逃世豈無堯兮應堯
之求吾與堯友兮不與堯憂

箕山操

李孝先

箕山之陽兮其水粼粼箕山之塚兮白雲幽幽彼世之
人兮誰能遺我以憂雖欲從我兮其路無由朝有人兮
來飲其牛

三門集津圖

閻長言

津門未為天下險勿作駭相觀茲圖偃月堂中李林甫
有人能寫此心無

湍聲洶洶落懸崖見說蛟龍擘石開安得天瓢一翻倒
躡雲平下看風雷

弔孫烈婦

婦姓吳小字二
十通進士孫某

楊 貞

平陸有烈婦地望雄諸吳從居孩提間體貌迥爾殊舉
家愛惜心不啻千金珠眉拂夏繭蛾髻彈春林烏芙蓉
羨顏色冰霜羞肌膚十二巧針黹十四婉步趨姻親未

省識閨門何曾踰孫郎邑中秀少小依師儒雙親為擇
配買紅纏酒壺青鸞得彩鳳誓結百年娛屈已接妯娌
盡心奉舅姑孰謂連理枝半壁先摧枯春風合歡床分
守夜雨孤西鄰久歡慕指王氏子誠與六禮俱賄好靡不周
下逮役使徒父兄去世亂倉卒誰攜扶母嫂憐幼寡且
微反哺雛號訴竟無察僵仆氣不甦同穴大義在初心
寧忍辜日聞勢轉逼詫媒致區區將汝已死婦配我未
葬夫朝決暮即行參差當自屠王族忽承命垂首久躊
躇此事難為諧此理古亦無女聞一撫掌天道卒敢誣

腐骨尚知愛而況生人軀素志從此伸里巷咸警吁
風萬馬來所至皆邱墟粟堆坡頭路月黑忘崎嶇鄉兵
共烏合馬能保不虞俄頃鼓聲絕崩潰東北隅壯者被
殺僂弱者遭靡驅婦時飛懸崖翩若赴水鳧皎皎盈尺
玉未甘蒼蠅汚鮮鮮全匹錦豈容濁穢塗向是健男子
足授丈二笏航海鱣長鯨盪荆縛於菟悲哉女子身裙
裾鬱壯圖胡不具始末奏之達帝都外則詔郡國內則
正宮襦胡不構祠宇揭之當官衢近使感義節遠使懲
淫愚不然布臺閣直筆一再濡特書彤史上永世昭範